


www.BibleForChildren.org



Ndondeko 6




Abandu ba mu mbaga ya Nuhu,
umwazi gwabo gwo gwoguno:
Ku kyanya kyage, yehe naaho,
ye wâli kwaniini imbere Iya
Rurema, ndaanabwo buhube bwo
âli hiiti. Âli tuuziri ne' ngoome
nyiija na Rurema. Na


bwo bâli
koli bihuusiri,
kyanatuma ngiisi
mundu
agakizi yifunda
mu bikoleere nga kwo
âli loziizi.



Kwokwo, Rurema anabwira Nuhu: «Lolaga!
Bwa' bandu bakola mu yitana, keera natwa
uluhango kwo ngola ngabaminika booshi.
Ku kasiisa ngola ngabaminika, kuguma
ne' kihugo.»




«Ku yukwo, ugendi kuba ibiti bikomu,
unayubake mwo nangungubanga
wa' mashuba. Yago mashuba, ugabiike
mwe' bisiika, unagahembe ubulungu
mu nda ne' mugongo.»



Ugayubake kwokuno: Mu
bula-bula bwago, zibe
meetere igana na
makumi gashatu na
zishatu.


Na mu
matambi,
zibe meetere
makumi gabiri na
zibiri. No' mujuja,
zibe meetere ikumi
na zishatu.




«Kwokwo, uyabiirage ngiisi
mulala gwe ' byokulya, kibe
kihinda kiinyu, kiri ne ' kya
yibyo biremwa.»




«Uyingize na mwe' biremwa bibiri-bibiri, ikishosi
ne' kikazi, halinde mweshi mukire.»




«Uyingize mwo ngiisi mulala gwe' bitugwa.
Ne' bitugwa íbyangatangwa ituulo, uyingize
birinda-birinda, ibishosi ne' bikazi. Na
íbitangatangwa ituulo, ne' nyamiishwa,
uyingize kiguma-kiguma, ikishosi
ne' kikazi.»






Kwokwo, Nuhu
anayingira mu mashuba
na mukaage, na bagala baage,
na bali-kazi baage, gira lyo
bafuuka umwijulire.





Ikyanya Nuhu âli mali hisa
imyaka magana galindatu, mu
siku ikumi na zirinda zo' mwezi
gwa kabiri, yugwo mwijulire gwanayija.
Ku lwolwo lusiku, ishyoko zooshi za mu
kuzimu, zanabira mwa' miiji. Kiri na
mwi' gulu, invula yanavwulumuka!





Iyo nvula, yanamala isiku makumi
gana, ubushigi ni ' zuuba, ítahumba.




Galya miiji, ganagenderera
ukukizi heema, ganayushuuka
bweneene, halinde amashuba
ganakizi leremba ku miiji.




Ganashubi genderera ukuheema mu kihugo, halinde
utunywangi-nywangi twe 'migazi twoshi
twanabindikirwa. Ibiremwa ibituuziri i bulambo
bikafwa byoshi-byoshi.




Gulya mwijulire, ikyanya gukahisa isiku
igana na makumi gataanu, Rurema âli ki
kengiiri Nuhu, ne' bitugwa byoshi,
ne' nyamiishwa zooshi, nga kwo byâli
riiri mu mashuba.




Kyanatuma Rurema agalungika imbuusi,
yanahuusa bweneene mu kihugo, halinde
amiji ganatondeera ukuyema.





Ha nyuma, Nuhu anatuma
ingunde nayo, gira amenye
iri amiiji keera gayema
lwoshi kwi' daho.



Na ku lusiku lwa makumi gabiri na zirinda lwo 'mwezi
gwa kabiri, idaho lyanaba keera lyakamuuka
lwoshi. Kwokwo, Rurema anabwira Nuhu:

«Uhulukage mu mashuba, mwe
na mukaawe, na
bagala baawe, na
bali-kazi
baawe.»



Ha nyuma, Nuhu anayubakira
Nahano akatanda.
Anayabiira ku
bizira kashembo
mu bitugwa na mu
tunyuni, anabitangira
Rurema hi' gulu lyako,
gabe matuulo
go' kusiriiza.




Rurema
anashubi deta:
«Kino kihango kyo
ngola mu gira na
niinyu, ne' biremwa
byoshi byo muliriinwi,
kigayama kiri ho ku bibusi

byoshi íbyâye ki yije.
Na' kalangikizo
kaakyo, ko kaaka:
Ngola ngabiika
umukuruzi
mu bibungu.»



«Yugwo
mukuruzi, ko
kagaaba
kalangikizo
ke' kihango kyo
ngaagira ne' kihugo.»




«Ngiisi kyanya
ngaleeta ibibungu
mu kyanyaanya,
no 'mukuruzi
gunabiboneke mwo,
lyo ngakizi kengeera
ikihango kyo n' ganywana na

niinyu na ngiisi milala
ye 'biremwa. Ndanâye
ki koleese amiiji, mbu
gashubi shereeza
ibiremwa byoshi.»



Ha nyuma, Rurema
anagashaanira Nuhu, bo na bagala
baage, anababwira kwokuno:
«Mukizi buta bayisho, na
banyoko, halinde muyushuuke,
munakwire mu mahanga
gooshi.»



Bagala Nuhu, bâli
Sheemu, na Haamu, na Yafeti.
(Uyo Haamu, ye kayiji ba yishe
wa Kaanani.) Yabo bashatu, bo
bakalyoka mu mashuba, bo
banali bashokuluza
ba' bandu booshi



ábakashabukira
mu kihugo.



Rurema akakunda bweneene aba mu
kihugo, kyanatuma agatanga Umwana
wage we'kininga. Ulya mwana, iri
umundu angamúbiika kwo'bwemeere,
atagaki shereera, haliko âye
longe ukulama imyaka
ne'myakuula.



Barumi 3:23 Si abandu booshi keera bakagira ibyaha,
banakoli buliirwi no' bulangashane bwa Rurema.

Barumi 6:23 Imbembo ye' byaha, lulyagagi lufu. Haliko,
Rurema ali mu tuheereza ikigabi kwo tulonge ukulama
imyaka ne' myakuula, mu kati ka Nahamwitu Yesu
Kirisito!

Baheburaniya 9:27 Bishungisirwi kwo ngiisi mundu ali mu
ba wa kufwa liguma naaho. Ha nyuma, Rurema
anamútwire ulubaaja.

Bahefeso 2:8,9 Ee! Mukakizibwa ku lukogo lwa Rurema
naaho, mu kumúbiika kwo' bwemeere. Yukwo kukizibwa
kwinyu, kutalyosiri imwinyu, si kiryagagi kigabi ukulyoka
imwage. Bitanakulikiriini ne' mikolezi yinyu, gira
mutalonge ubulyo bwo mwangayihayira kwo.



Barumi 10:9,10 Kwokwo, iri wangadeta na' kanwa kaawe
kwo Yesu ye Nahano, unayemeerage mu mutima gwawe
kwo Rurema akamúzuula mu bafwiri, lyo ugakizibwa.
Mukuba, tuli mu yemeera Rurema mu mitima yitu, kiri na
ku tunwa twitu, halinde tunabe tukoli kwaniini imbere lya
Rurema, tunakizibwe.

Yohana 3:16,17 Rurema akakunda bweneene aba mu
kihugo, kyanatuma agatanga Umwana wage we' kininga.
Ulya mwana, iri umundu angamúbiika kwo' bwemeere,
atagaki shereera, haliko âye longe ukulama imyaka
ne' myakuula. Ibikatuma Rurema agaatuma Umwana wage
mu kihugo, kutali mbu lya' bandu bayiji hanwa. Haliko,
akamútuma mwo, gira lyo ayiji bakiza.



1 Yohana 5:11-13 No 'bumasi bwage bwo bwobu: Rurema
keera akatuheereza ubulamu bwe 'myaka ne 'myakuula!
Bunali mu kati ko 'Mwana wage. Ku yukwo, iri umundu
angaba akola ne 'ngoome no 'Mwana wage, iri akola
no 'bulamu. Haliko, iri angaba atagihiiti, iri na yubwo
bulamu nabwo, atabuhiiti. Yaga magambo, nagayandikaga
hi 'gulu liinyu, mwe mukoli yemiiri iziina Iyo 'Mwana wa
Rurema. Kwokwo, Iyo mulonga ukumenya ku kasiisa kwo
mukola no 'bulamu bwe 'myaka ne 'myakuula!



Ndondeko 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Fuliiru Bible (flr) © 2019, Wycliffe Bible Translators Inc.
All rights reserved.

<https://live.bible.is/bible/FLRWYI/MAT/1>

©2026 Bible for Children, Inc.

www.M1914.org

www.bibleforchildren.org

